

ხელშეკრულება
სახელმწიფო შესყიდვების შესახებ №17/08

ონი

26 აგვისტო 2015 წელი

ერთის მხრივ, ონის მუნიციპალიტეტი (შემდგომში - „შესყიდველი“), წარმოდგენილი მისი გამგებლის გიორგი ლობჯანიძის სახით, მეორეს მხრივ, სსიპ „საქართველოს იუსტიციის სასწავლო ცენტრი“ (შემდგომში - „მიმწოდებელი“), წარმომადგენელის დირექტორის მ/შ-ის მანანა მათუაშვილის სახით ვხელმძღვანელობთ, რა საქართველოში მოქმედი კანონმდებლობით, გამარტივებული შესყიდვის გამოყენებით ვდებთ ხელშეკრულებას შემდეგზე:

1. ხელშეკრულების საგანი

- 1.1 ხელშეკრულების საგანია მომსახურების (შემდგომში - შესყიდვის ობიექტი) შესყიდვა.
- 1.2 მომსახურების შესყიდვა გულისხმობს ონის მუნიციპალიტეტის გამგებობის მიერ გამოცხადებულ ვაკანსიებზე თანამედროვე სტანდარტებისა და სანდოობის ხარისხის კონტროლის მექანიზმების შესაბამისი ტესტირების ორგანიზებას.
- 1.3 კლასიფიკატორის კოდი და შესყიდვის კონკრეტული ობიექტი: (CPV-79635000) - საკადრო პროფესიონალური ვარგისიანობის შეფასების ცენტრის მომსახურება.
- 1.4 ტესტირება უტარდება, განაცხადების გადარჩევის შედეგად, მეორე ეტაპზე გადასულ 90 კონკურსანტს, რომელთა რეზიუმე შეესაბამებოდა საკვალიფიკაციო მოთხოვნებს.
- 1.5 შესყიდვის საშუალება: გამარტივებული შესყიდვა.

2. შესყიდვის ობიექტის ღირებულება

- 1.4 ერთი კონკურსანტის ტესტირების ღირებულება შეადგენს 10 (ათი) ლარს.
- 1.5 შესყიდვის ობიექტის საერთო ღირებულება შეადგენს 900(ცხრაასი) ლარს, საქართველოში მოქმედი კანონმდებლობით დადგენილი ყველა გადასახადების გათვალისწინებით.

3. შესყიდვის ობიექტის მიწოდების ვადები და ადგილი

- 3.1. შესყიდვის ობიექტის მიწოდება განხორციელდება 2015 წლის 30 აგვისტოს. ტესტის ხანგრძლივობა 2 (ორი) საათი, 3 (სამი) ნაკადად.
- 3.2. მიმწოდებელი ვალდებულია უზრუნველყოს ტესტირების შედეგების მიწოდება 3 (სამი) სამუშაო დღის ვადაში, არაუგვიანეს 2015 წლის 03 სექტემბრისა.
- 3.3. მომსახურების გაწევის ადგილია: ქ. ქუთაისი, „იუსტიციის სახლი“.

4. შესყიდვის ობიექტის მიღება-ჩაბარების წესი

- 4.1. შესყიდვის ობიექტი ჩაითვლება მიღებულად მომსახურების გაწევისა და შესაბამისი მიღება-ჩაბარების აქტის მხარეთა უფლებამოსილი წარმომადგენლ(ებ)ის ხელის მოწერით და ბეჭდით დამოწმების შემდეგ.

5. ანგარიშსწორების ფორმა, ვადა და ადგილი

- 5.1. მიმწოდებელთან ანგარიშსწორება განხორციელდება ლარებში, მუნიციპალიტეტის 2015 წლის ადგილობრივი ბიუჯეტის სახსრებიდან.
- 5.2. მიმწოდებელს შესყიდვის ობიექტი აუნაზღაურდება უნაღდო ანგარიშსწორებით, წარმოდგენილი მიღება-ჩაბარების აქტის გაფორმებიდან და ანგარიშგაქტურის წარმოდგენიდან 20 (ოცი) სამუშაო დღის განმავლობაში.

6. მხარეთა უფლება-მოვალეობანი

- 6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.
- 6.2. შემსყიდველი ორგანიზაცია ვალდებულია:
 - 6.2.1. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება;
 - 6.2.2. უზრუნველყოს ტესტირებაზე დამკვირვებლის სტატუსით არასამთავრობო ორგანიზაცია „სამართლიანი არჩევნებისა და დემოკრატიის საერთაშორისო ორგანიზაცია“ წარმომადგენლის ნაზიბროლა გავაშელის დასწრება.
- 6.3. შემსყიდველ ორგანიზაციას უფლება აქვს:
 - 6.3.1. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება;

6.3.2. განახორციელოს ინსპექტირება მიმწოდებლის მიერ ხელშეკრულებით ნაკისრი ვალდებულებების შესრულებაზე;

6.3.3. მოსთხოვოს მიმწოდებელს ინსპექტირებისას გამოვლენილი დეფექტების აღმოფხვრა შემსყიდველი ორგანიზაციის მხრიდან, რაიმე დამატებითი დანახარჯის გაწევის გარეშე.

6.4. მიმწოდებელი ვალდებულია:

6.4.1. მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;

6.4.2. უზრუნველყოს ტესტირებაში მონაწილე პირთა რეგისტრაცია, რომლის ხანგრძლივობა შეადგენს 1 (ერთ) საათს.

6.4.3. უზრუნველყოს ტესტის შინაარსისა და შედეგების კონფიდენციალურობა;

6.4.4. მიმწოდებელი ვალდებულია კონკურსანტის/ატესტანტის მიერ ტესტის გასაჩივრების შემთხვევაში შეისწავლოს გასაჩივრებული საკითხი და არაუგვიანეს 3 (სამი) კალენდარული დღის განმავლობაში საპრეტენზიო განცხადებაზე მიღებული ექსპერტა დასკვნა/გადაწყვეტილება აცნობოს შესყიდველ ორგანიზაციას.

6.4.5. უზრუნველყოს პერსონალურ მონაცემთა შემცველი ინფორმაციის დაცვა საქართველოს კანონმდებლობით გათვალისწინებული წესით. მესამე პირებისთვის პერსონალური მონაცემების შემცველი ინფორმაციის გადაცემა შესაძლებელია, მხოლოდ კანონმდებლობით გათვალისწინებული საფუძვლებით და წესით.

6.5. მიმწოდებელს უფლება აქვს:

6.5.1. მოსთხოვოს შემსყიდველ ორგანიზაციას შესყიდვის ობიექტის ღირებულების დროული და კეთილსინდისიერი ანაზღაურება, ხელშეკრულებით გათვალისწინებული პირობების შესაბამისად;

7. ხელშეკრულების ინსპექტირების პირობები

7.1. სახელმწიფო შესყიდვის კეთილსინდისიერ შესრულებაზე და ამ ხელშეკრულებით გათვალისწინებულ პირობებთან შესაბამისობის დადგენაზე ინსპექტირებას განახორციელებს შემსყიდველი ორგანიზაციის უფლებამოსილი წარმომადგენელი.

8. მხარეთა პასუხისმგებლობა ხელშეკრულების პირობების დარღვევისას

8.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან/და არაჯეროვნად შესრულებისათვის მოქმედი კანონმდებლობის შესაბამისად.

8.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს ან არაჯეროვნად ასრულებს ხელშეკრულებით ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ხელშეკრულებით გათვალისწინებული პირობების შესრულებისათვის.

8.3. ხელშეკრულების ერთი მხარის მიერ დამატებით ვადაში ვალდებულების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

8.4. ხელშეკრულების მხარეს, შესყიდვის ობიექტთან დაკავშირებული ვალდებულების არაჯეროვნად შესრულების ან/და შესრულების ვადის გადაცილების შემთხვევაში, დაეკისრება პირგასამტეხლო ყოველ ვადაგადაცილებულ დღეზე შესყიდვის ობიექტის საერთო ღირებულების 0.2 პროცენტის ოდენობით.

8.5. თუ ერთი მხარისთვის დაკისრებული პირგასამტეხლოს ჯამური თანხა გადააჭარბებს შესყიდვის ობიექტის საერთო ღირებულების 3 (სამი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

8.6. წინამდებარე ხელშეკრულების 5.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო შესაბამისად, ყოველ ვადაგადაცილებულ დღეზე გადაუხდელი თანხის 0,07%-ის ოდენობით.

9. ფორს-მაჟორი

9.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. აღნიშნული გარემოების არსებობისას ხელშეკრულების შესრულების ვადა გადაიწევის ხელისშემშლელ გარემოებათა აღმოფხვრისათვის საჭირო დროით.

9.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.

10. ხელშეკრულების პირობების გადასინჯვა

10.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს 10%-ისა.

10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

11. ხელშეკრულების მოქმედების ვადა

11.1. ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2015 წლის 30 სექტემბრის ჩათვლით.

12. დავა და მისი გადაწყვეტის წესი

12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკებების საფუძველზე.

12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 5 (ხუთი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

13. სხვა პირობები

13.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14. მხარეთა იურიდიული მისამართები და რეკვიზიტები, მხარეების

მიმწოდებელი

მიმღები ორგანიზაცია: სსიპ „საქართველოს იუსტიციის სასწავლო ცენტრი“

მიმღების დასახელება - ხაზინის ერთიანი ანგარიში;

მიმღების ბანკი - სახელმწიფო ხაზინა;

ბანკის კოდი - TRESGE22;

მიმღების ანგარიში /სახაზინო კოდი 707997153

საიდენტიფიკაციო კოდი: 204423230

დირექტორის მ/შ.

მანანა მათუაშვილი

შემსყიდველი

მიმღები ორგანიზაცია: ონის მუნიციპალიტეტის გამგეობა

მიმღების დასახელება - ხაზინის ერთიანი ანგარიში;

მიმღების ბანკი - სახელმწიფო ხაზინა;

ბანკის კოდი - TRESGE22;

მიმღების ანგარიში /სახაზინო კოდი

GE24NB0330100165022

საიდენტიფიკაციო კოდი: 237978275

მუნიციპალიტეტის გამგებელი

გიორგი ლობჯანიძე